



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

27.11.2023

719-tm-son

### **Talabalar safidan chetlashtirish va hayfsan e'lon qilish to'g'risida**

Bugungi kunda universitetda yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet faoliyati haqida noto'g'ri munosabat, fikr-mulohaza shakllanishiga, universitet obro'siga, universitetda yaratilayotgan ochiq-oshkoralik siyosatiga zarar yetkazadigan qasddan harakatlar qilinib, universitet Odob-axloq kodeksida belgilangan me'yorlarni buzish holatlari kuzatilmoqda.

Jumladan, 2023-yil 26-oktabr kuni Ommaviy huquq fakulteti Davlat-huquqiy faoliyat yo'nalishi 3-kurs talabalari Muhammadjonov Xojiakbar Alisher o'g'li va Asqaraliyev Shaxriyor Axtamjonovich bilan Foziljonov Azizbek Zokirovich o'zaro gap talashib Universitetning 1-binosi 310-xona oldida, tanaffus paytida mushtlashishgan.

Dars mashg'ulotlari tugagach talaba A.Foziljonov va uning sheriklari, shu jumladan Universitet talabasi bo'lmagan, A.Foziljonov tarafida janjaldan qatnashgan shaxslar uning guruhdoshlarini Universitet chiqishi oldida kutib olishgan va Universitet binosi tashqarisida, Adliya vazirligi binosi orqasida yuqorida ko'rsatilgan talabalar, hamda Ommaviy huquq fakulteti Davlat-huquqiy faoliyat yo'nalishi 3-kurs talabalari O'sarov Firdavs Ulug'bek o'gli, Shomuratov Yesio Komil o'g'li, Abdirahimov Kamronbek Zohidjon o'g'li, Zokirov Sardor Zokir o'g'li, Sadriddinov Akmal Ravshanovich, Sadikov Baxromxo'ja Ildorovich, Aloxujayev Afzalxon Abduraufxonovichlar ishtirokida yuzaga kelgan janjallashuv davom ettirilgan. Bunda Ommaviy huquq fakulteti 3-kurs talabasi Sadriddinov Akmal Ravshanovich tomonidan tartibsizlikni oldini olish, urushayotganlarni ajratish va hodisa to'g'risida universitet mas'ullariga xabar berish choralari ko'rilgan.

Universitet Odob-axloq komissiyasi a'zolari tomonidan talabalardan mazkur holat yuzasidan tushuntirish olinganida, X.Muhammadjonov, Sh.Asqaraliyev va A.Foziljonovlar sodir etgan qilmishlarini tan olib, o'zaro gap talashib mushtlashib ketishganini, o'zlarini boshqara olmay qolganliklarini bildirdi.

Talabalar Muhammadjonov Xojiakbar Alisher o'g'li, Asqaraliyev Shaxriyor Axtamjonovich, Foziljonov Azizbek Zokirovich o'zlarining yuqoridagi xatti-harakatlari bilan Oliy ta'lim to'g'risidagi nizomning (ro'yxat raqami 1222, 2003-yil 22-fevral) 43-bandi hamda Toshkent davlat yuridik universiteti Odob-axloq kodeksining 17-modda 2 xatboshi (har qanday huquqbuzarlik yoki jinoyat sodir etish, jumladan, tuhmat qilish, haqoratlash), 17-modda 4 xatboshi (tinchlik yoki osoyishtalikka qarshi tajovuz qilish, janjallashish, qimor va tavakkalchilikka asoslangan boshqa o'yinlar o'ynash), 18-modda 1-xatboshi (Xodim, talaba va doktorantlarning o'zaro munosabatlari milliy qadriyat va an'analar, yagona jamoaviy muhit, o'zaro hurmat va e'tibor, do'stlik, hamjihatlik, halollik va adolat tamoyillariga asoslanishi lozim), 18-modda 2-xatboshi (Xodim, talaba va doktorantlarning o'zaro munosabatlarida inson qadr-qimmatiga hurmatsizlik, shaxsiyatni kamsitish, o'zganing intellektual mulki yoki boshqa ijod mahsulini ruxsatsiz o'zlashtirib olish, qo'pollik, behayo so'zlar ishlatish, mushtlashish qat'iyman etiladi)da belgilangan qoidalarini qo'pol ravishda buzgan.

Talabalar O'sarov Firdavs Ulug'bek o'g'li, Xolmurodov Jasurbek Ikrom o'g'li, Almardonov Nurmuhammad Abdurayim o'g'li, Shomuratov Yesio Komil o'g'li, Abdirahimov Kamronbek Zohidjon o'g'li, Aloxujayev Afzalxon Abduraufxonovich, Xojimatov Sardorbek Dilshodjon o'g'li, Zokirov Sardor Zokir o'g'li, Sadikov Baxromxo'ja Ildorovich o'z xatti-harakatlari bilan Oliy ta'lim to'g'risidagi nizomning (ro'yxat raqami 1222, 2003-yil 22-fevral) 43-bandi hamda Toshkent davlat yuridik universiteti Odob-axloq kodeksining 18-modda 1-xatboshi (Xodim, talaba va doktorantlarning o'zaro munosabatlari milliy qadriyat va an'analar, yagona jamoaviy muhit, o'zaro hurmat va e'tibor, do'stlik, hamjihatlik, halollik va adolat tamoyillariga asoslanishi lozim), 18-modda 2-xatboshi (Xodim, talaba va doktorantlarning o'zaro munosabatlarida inson qadr-qimmatiga hurmatsizlik, shaxsiyatni kamsitish, o'zganing intellektual mulki yoki boshqa ijod mahsulini ruxsatsiz o'zlashtirib olish, qo'pollik, behayo so'zlar ishlatish, mushtlashish qat'iyman etiladi), 26-modda 11-xatboshi (biron-bir noxush voqea yoki hodisa ro'y bersa, u haqda zudlik bilan Universitet rahbariyatiga xabar berish)da belgilangan qoidalarini qo'pol ravishda buzgan.

Yuqoridagilarni inobatga olib, O'zbekiston Respublikasi Vazirlar Mahkamasining 2017-yil 20-iyundagi 393-son qarori bilan tasdiqlangan Oliy ta'lim muassasalari talabalari o'qishini ko'chirish, qayta tiklash va o'qishdan chetlashtirish tartibi to'g'risidagi nizomning 36-bandi "g" kichik bandi, Oliy ta'lim to'g'risidagi nizomning (ro'yxat raqami 1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksining 17, 18, 26 - moddalari hamda universitet Ichki tartib qoidolari (ichki mehnat tartibi qoidolari)ning 83-bandiga asosan shuningdek universitet Odob-axloq komissiyasi xulosasiga muvofiq,

### **BUYURAMAN:**

1. Universitetning Ommaviy huquq fakulteti 3-kurs talabalari Asqaraliyev Shaxriyor Axtamjonovich, Muhammadjonov Xojiakbar Alisher o'g'li va

Foziljonov Azizbek Zokirovichlar talabalar safidan chetlashtirilsin.

2. Ommaviy huquq fakulteti 3-kurs talabalari O'sarov Firdavs Ulug'bek o'g'li, Xolmurodov Jasurbek Ikrom o'g'li, Almardonov Nurmuhammad Abdurayim o'g'li, Shomuratov Yesio Komil o'g'li, Abdirahimov Kamronbek Zohidjon o'g'li, Aloxujayev Afzalxon Abduraufxonovich, Xojimatov Sardorbek Dilshodjon o'g'li, Zokirov Sardor Zokir o'g'li, Sadikov Baxromxo'ja Ildorovichlarga hayfsan e'lon qilinsin va ushbu talabalarga kelgusida Odob-axloq kodeksining shu va shu kabi normalarini buzgan taqdirda ularga nisbattan Talabalar safidan chetlashtirish chorasi ko'rilishi haqida qat'iy ogohlantirilsin.

3. Ommaviy huquq fakulteti 3-kurs talabasi Sadriddinov Akmal Ravshanovichga tartibsizlikni oldini olish choralarini ko'rganligi va xodisa to'g'risida universitet mas'ullariga xabar berganini inobatga olib kelgusida Universitet ichki tartib qoidalarini buzmaslik to'g'risida ogohlantirish e'lon qilinsin.

4. Fakultet dekanlari (Sh.Saydullayev, D.Umarxanova, D.Kamalova, B.Musayev, A.Babadjanov) mazkur buyruq mazmun-mohiyatini talabalar e'tiboriga yetkazilishi va har bir akademik guruhda keng muhokama qilinishini, universitetda bu kabi qoidabuzarliklarga murosasiz munosabatda bo'lishini talabalarga atroflicha tushuntirilishini ta'minlasin.

5. Ommaviy huquq fakulteti dekani (Sh.Saydullayev) mazkur talabalarning shaxsiy hujjatlar yig'ma jildlariga buyruq nusxasi tikilishini hamda ushbu talabalarning ota-onalarini universitetga taklif etib, farzandining qilmishlaridan ularni xabardor qilinishini ta'minlasin;

6. Mazkur buyruq bajarilishini nazorat qilish Yoshlar masalalari va ma'naviy-ma'rifiy ishlar bo'yicha birinchi prorektor A.Xashimhonovga yuklansin.

**Rektor v.v.b.**



**I.RUSTAMBEKOV**

Toshkent shahar

### **Kiritildi:**

Dekan (fan doktori yoki fan doktori  
(Doctor of Science) ilmiy darajasiga  
yoki xorijiy davlatlarning unga  
tenglashtirilgan boshqa ilmiy  
darajalariga yoki professor ilmiy  
unvoniga ega bo'lgan)

SH.SAYDULLAYEV



### **Kelishildi:**

Direktor

SH.PO'LOTOV



Boshqarma boshlig'i

S.BOZAROV



Bo'lim boshlig'i

S.RAJABBOYEV



Yoshlar masalalari va ma'naviy-  
ma'rifiy ishlar bo'yicha birinchi  
prorektor

A.XASHIMHONOV



Katta yuriskonsult

A.TURSUNOV



Bosh buxgalter

M.PARPIYEV



Bo'lim boshlig'i

I.RO'ZIBAYEV

